

Mbështetur në nenin 34 të Ligjit Nr. 06/L-016 për Shoqëritë Tregtare në Kosovë, Ligjit nr.04/L-111 për ndryshimin dhe plotësimin e Ligjit bazik nr. 03/L-087 për Ndërmarrjet Publike, Bordi i Drejtorëve i Kompanisë Regjionale të Ujësjetlësit “Hidromorava” –Shoqëri Aksionare në mbledhjen e saj të mbajtur më 18.10.2022, nxjerr

## STATUTIN

### E

#### Kompanisë Regjionale të Ujësjetlësit “Hidromorava”- SH.A.- GJILAN

#### Neni 1

#### DISPOZITAT E PËRGJITHSHME

Me këtë Statut rregullohen çështjet e përgjithshme me rëndësi për statusin,organizimin dhe afarizmin e Shoqërisë aksionare Kompanisë Regjionale të Ujësjetlësit “Hidromorava” në Gjilan dhe atë :

- Emërtimi dhe selia;
- Themeluesi i Shoqërisë ;
- Veprimtaria;
- Aksionet;
- Kapitali themeltar dhe pasuria;
- Organet e Shoqërisë;
- Detyrimi për mos konkurrencë;
- Të punësuarit;
- Shpërbërja e Shoqërisë;
- Dispozitat përfundimtare.

#### Neni 2

Shoqëria është themeluar nga Qeveria e Republikës së Kosovës si Shoqëri Aksionare 03/74.

#### Neni 3

Shoqëria është person juridik e cila në mënyre të pavarur paraqitet dhe ka të gjitha autorizimet në marrëdhëniet juridike me personat e tretë.

#### Neni 4

Në harmoni me atë,Shoqëria ka të drejtë të lidhi Kontrata dhe kryej pune tjera juridike dhe ndërmerr veprime në kuadër të aftësive të veta juridike dhe afariste.

**Neni 5**  
**Emërtimi dhe Selia**

Shoqëria vepron nën emërtimin: Kompania Rajonale e Ujësjetllësit “Hidromorava”-SH.A.Gjilan.

**Neni 6**

Emërtimi i shkurtë është : KRU “Hidromorava”-SH.A.Gjilan

**Neni 7**

Selia e Shoqërisë është në Gjilan , Rruga “Vllëzërit Frashëri” p.n.

**Neni 8**

Personi i Autorizuar i kësaj shoqërie tregtare është Ymer Salihu nga Gjilani, me ID 2013279007, i cili është person i ligjshëm për pranimin e shërbimeve, njoftimeve, kërkesave si dhe akteve tjera që dërgohen nga autoritetet publike.

**Neni 9.**  
**Përfaqësitë e Shoqërisë**

Shoqëria sipas këtij statuti dhe legjislacioni në fuqi në Republikën e Kosovës, në kuadër të saj funksionojnë njësit punuese ( Viti dhe Kamenicë), duke themeluar degë apo njësi punuese të tjera.

**Neni 10.**

10.1.Kohëzgjatja e shoqërisë aksionare është e pakufizuar, përveç nëse vendoset ndryshe nga organet drejtuese të saj.

10.2.Nëse kohëzgjatja e shoqërisë ndryshohet, duhet menjëherë të njoftohet zyra e regjistrimit dhe të kërkohet që kjo duhet të publikohet nga ana e kësaj zyre në bazën e të dhënave të saj.

**Neni 11**

**Themelimi**

Kompania Rajonale e Ujësjetllësit “Hidromorava”-SH.A , themelohet në zbatim të Ligjit nr.04/L-111 për ndryshimin dhe plotësimin e Ligjit bazik nr.03/L-087 për Ndërmarrjet Publike dhe Ligjit Nr. 06/L-016 për Shoqëritë Tregtare në Kosovë, të Vendimit të Qeverisë së Republikës së Kosovës nr. 03/74 datë 14.07.2009 dhe të Vendimit të Komisionit të Ministrave nr. 218/1 datë 30.09.2009.

## Neni 12

### Fushë Veprimtaria

12.1.Fushëveprimtaria e Kompanisë Rajonale të Ujësjetllësit është:

Kodi 3600 -Grumbullimi, trajtimi dhe furnizimin me ujë;

Kodi 3700 - Kanalizimi;

Kodi.4221- Ndërtimi i projekteve të tubacioneve dhe kanalizimeve;

Kodi 4313- Testi i shpuarjes dhe shpuarja;

Kodi 4291- Ndërtimi i projekteve të ujit.

Kodi 7120- Testimi teknik dhe analizat

12.2. Shoqëria mundet të realizojë çdo lloj operacioni financiar apo tregtar; i cili lidhet direkt apo indirekt me objektin e saj, brenda kufijve të parashikuara nga legjislacioni në fuqi.

12.3.Shoqëria do të kryejë çdo veprim me qëllim marrjen e lejeve , autorizimeve, licencave dhe miratimeve të nevojshme për realizimin e veprimtarive të saj , për të cilat kërkohen këto dokumente administrative.

## Neni 13

### Përgjegjësitë

13.1. Kompania Rajonale e Ujësjetllësit “Hidromorava” si trashëgimtare e Ndërmarrjes Kompania Rajonale e Ujësjetllësit “Hidromorava”, është përgjegjëse për asetet, pasurinë , të drejtat dhe detyrimet që vijnë si pasojë e këtij transformimi.

13.2. Asnjë person, shoqëri tregtare ose shoqëri tjetër nuk është përgjegjëse për detyrimet e shoqërisë aksionare vetëm për shkak se është aksionar në këtë shoqëri.

## Neni 14

### AKSIONET

14.1.Aksioni është tërësi e të gjitha të drejtave dhe obligimeve që i takojnë një anëtar të Shoqërisë bazuar në kapitalin fillestar.

14.2. Aksionet janë të formës nominale , e thjeshtë ose e privilegjuar, të çertifikuara ose të pa çertifikuara, të letrave me vlerë, si dhe lirisht të transferueshme sipas legjislacionit në fuqi të Republikës së Kosovës, i cili rregullon marrëdhëniet tregtare.

14.3. Vlera e aksionit të thjeshtë e shoqërisë është një ( 1 ) Euro.

14.4. Pronësia mbi aksionet , rezulton nga regjistrimi i tyre në emër të pronarit, në librin e aksioneve të mbajtura nga ana e shoqërisë apo ndërmetësve financiarë.

14.5. Aksionet e Shoqërisë, zotërohen në masën 100% nga Qeveria e Kosovës, Ministria e Zhvillimit Ekonomik, si përfaqësuese e pronarit shtet.

#### **Neni 15**

#### **Kapitali Themeltar**

15.1. Kapitali themeltar i shoqërisë është 25.000 (njëzetepesëmijë) euro, dhe është i ndarë në 25.000 (njëzetepesëmijë) aksione me vlerë nominale 1 Euro (një) secili, Kapitali i shoqërisë është derdhur dhe nënshkruar terësisht.

15.2. Të gjitha ndryshimet e kapitalit themeltar , bëhen sipas përcaktimit në Ligjin 06/L-016 për Shoqëritë Tregtare, ku përfshihet , shumia, parapagimi, raporti me vlerën nominale, rritja e kapitalit themeltar, zvoglimi i kapitalit themeltar, ndarja e aksioneve, rigrupimi i aksioneve, anulimet që nuk ndryshojnë kapitalin themeltar, riblerja ose revokimi i aksioneve etj.

#### **Neni 16**

#### **Shpërndarja e Dividentit**

16.1. Bordi i Drejtorëve të shoqërisë përcakton dividentin.

16.2. Shpërndarja e tyre , do të bëhet vetëm me autorizim të aksionarit, sipas përcaktimit të Ligjit nr.06/L-016 “për shoqëritë tregtare”.

#### **Neni 17**

#### **Aksionerët**

#### **17.1.Regjistri i Aksionerëve**

17.1.1. Kompania duhet të themeloj dhe të mirëmbajë Regjistrin e Aksionarëve, në pajtueshmëri me Ligjin Regjistrat e tillë duhet të përmbajnë informatat e kërkuara në bazë të ligjit si dhe ç’farëdo informate tjetër që Kompania mendon se është e nevojshme.

17.1.2. Kompania nuk do t'i ngarkoj me taksë për regjistrimin e çfarëdo transferi apo dokumenti tjetër në lidhshmëri me/apo i cili dëmton titullin e ndonjë aksioni.

17.1.3. Personi i autorizuar mund të regjistroj transferin e ndonjë aksioni vetëm kur ti ofrohet dëshmia mbi transferin në pajtushmëri me Ligjin.

17.1.4. Personi i autorizuar duhet të lejon aksionarët, të tjerët të aprovuar me ligj, si dhe agjentët e tyre relevant të autorizuar të shikojnë regjistrin e aksionarëve dhe duhet të ju ofroj atyre ekstrakte (fragmente) relevante nga regjistri sipas kërkesës së tyre.

## **17.2. Mbledhja e Përgjithshme e Aksionarëve**

Mbledhja e Përgjithshme e Aksionarëve të Kompanisë (“Mbledhja e Përgjithshme”) është trupi më i lartë vendim-prurës i kompanisë. Vendimet e Mbledhjes së Përgjithshme, të cilat konsiderohen vendime, duhet të jenë detyruese për Kompaninë, aksionarët, trupat e tjerë si dhe Zyrtarët e Kompanisë.

## **17.3. Thirrja dhe Agjenda e Mbledhjes së Përgjithshme**

17.3.1. Kompania duhet të mbajë një Mbledhje të Përgjithshme Vjetore (“Mbledhja e Përgjithshme Vjetore”) që të rishikojnë dhe të aprovojnë pasqyrat financiare vjetore, brenda njëqind e pesëdhjetë (150) ditëve pas mbylljes së vitit financiar të kompanisë.

17.3.2. Mbledhjet e Përgjithshme thirren nga udhëheqësi i Bordit të Drejtorëve, duke vepruar përmes sekretarit.

17.3.3. Mbledhjet e Përgjithshme mund të thirren nga Bordi i Drejtorëve kurdo që të paraqitet nevoja në mënyrë të barabartë Bordi i Drejtorëve mund të përfshij çështjet shtesë në agjendën e Mbledhjes së Përgjithshme Vjetore.

17.3.4. Dy apo më tepër anëtar të Bordit të Drejtorëve, apo aksionarëve në posedim të jo më pak se njëzet për qind (20%) të aksioneve të lëshuara apo votimit në pritje të Kompanisë mund të kërkojnë mbajtjen e Mbledhjes së Përgjithshme, duke përfshirë agjendën. Një kërkesë e tillë duhet t'i bëhet me shkrim udhëheqësit të Bordit të Drejtorëve, dhe duhet të aprovohet kurdo që çështjet e propozuara bien përbrenda kompetencave të Mbledhjes së Përgjithshme.

Udhëheqësi i Bordit të Drejtorëve duhet ta thërras Mbledhjen e Përgjithshme për një datë jo më vonë se katër dhjetë (40) ditë pasi ta ketë pranuar kërkesën, përveç nëse kërkesa përcakton një datë më të vonshme.

17.3.5. Sipas rregullave të përcaktuara, çështjet shtesë, mund të përfshihen në agjendën e Mbledhjes së Përgjithshme Vjetore; një kërkesë e tillë mund të mos përfilllet në rast se dorëzohet jo më vonë se njëqind (100) ditë pas mbylljes të vitit financiar Kompanisë. Nëse një kërkesë e tillë bëhet pasi të jetë dërguar njoftimi për mbledhje. Mbledhja e Përgjithshme Vjetore duhet të shtyhet dhe njoftimi i ri duke përfshinë edhe çështjet shtesë të agjendës duhet të dërgohen.

#### **17.4. Njoftimi i Mbledhjes së Përgjithshme dhe Procedime**

17.4.1. Njoftimi për një Mbledhje të Përgjithshme duhet t'i dërgohet secilit aksionar së paku tridhjetë (30) ditë më herët në adresat e listuara për secilin aksionar në regjistrin e aksionarëve si dhe secilit anëtar të Bordit të Drejtorëve. Për më tepër, njoftimi duhet të bëhet përmes publikimit ashtu siç kërkohet me ligj.

17.4.2. Njoftimi duhet të përfshijë kohën dhe vendin e Mbledhjes së Përgjithshme dhe agjendën. Njoftimi duhet të njoftoj se, nëse ndonjë palë nuk do të jetë prezent në Mbledhjen e Përgjithshme atëherë kjo e fundit mund të shtyhet për më vonë për ndonjë datë më të përshtatshme, duke përcaktuar kohën dhe vendin: një datë e tillë nuk mund të jetë se pesëmbëdhjetë (15) ditë pas datës origjinale për mbledhjen e as tridhjetë (30) ditë pas saj.

17.4.3. Dështimi për ta njoftuar për Mbledhjen e Përgjithshme secilin aksionar mund të eliminohet nëse ai person merr pjesë në Mbledhjen e Përgjithshme personalisht apo i autorizuar i tij. Dështimi për ta njoftuar për Mbledhjen e Përgjithshme secilin anëtar të Bordit të Drejtorëve mund të eliminohet nëse shumica e anëtarëve të Bordit të Drejtorëve merr pjesë në Mbledhjen e Përgjithshme personalisht.

17.4.4. Secila kërkesë për njoftim do të konsiderohet e braktisur nëse Mbledhja e Përgjithshme vepron sipas vendimit të shkruar dhe nëse është e nënshkruar nga të gjithë Anëtarët e pranishëm.

17.4.5. Mbledhjet e Përgjithshme mund të mbahen në më tepër se një lokacion përmes lidhjes së ndërsjellë me zë apo video-konferencë, përderisa kërkesat në vijim plotësohen dhe reflektohen në procesverbalet relevante.

17.4.6. Udhëheqësi i Mbledhjes së Përgjithshme duhet të jetë në gjendje të përcaktoj identitetin dhe të drejtën e participimit të atyre që janë prezent, duhet të udhëheqë Mbledhjen e Përgjithshme, dhe duhet të përcaktoj dhe të deklaroj rezultatet e votimit;

17.4.7. Sekretari i Mbledhjes së Përgjithshme duhet të jetë në gjendje që në mënyrë adekuate t'i perceptoj ndodhitë në Mbledhjen e Përgjithshme, dhe

17.4.8 Pjesëmarrësit duhet të jenë në gjendje të marrin pjesë në diskutime dhe të votojnë për pikat e agjendës, gjithashtu të lexojnë, të pranojnë apo të dërgojnë dokumentet e ndërlidhura (nëse ka ndonjë).

### **17.5. Kuorumi për Mbledhjet e Përgjithshme**

17.5.1. Mbledhja e Përgjithshme mund të mbahet vetëm nëse kuorumi është prezent personalisht apo përmes të të autorizuarit. Sekretari duhet të kryej aranzhimet e nevojshme që aksionarët të regjistrojnë aksionet e tyre në Mbledhjen e Përgjithshme. Kuorumi duhet të jetë prezent nëse aksionarët (apo agjentët e tyre të autorizuar) duke përfaqësuar së paku pesëdhjetë (50%) për qind të aksioneve votues të Kompanisë janë të regjistruar si prezent në Mbledhjen e Përgjithshme.

17.5.2. Nëse nuk ka kuorum përbrenda një periudhe të arsyeshme kohore pas kohës së përcaktuar për fillim, Mbledhja e Përgjithshme duhet të ndërpritet apo të shtyhet për një datë të përshtatshme që është e përcaktuar në njoftim, (nëse ka). Që një Mbledhje e tillë e Përgjithshme të shtyhet, kuorumi duhet të jetë njëzetë e pesë për qind (25%) e pjesës votuese të Kompanisë. Nëse, në Mbledhjen e Përgjithshme të shtyrë, nuk ka kuorum brenda një periudhe të arsyeshme kohore pasi mbledhje të jetë për të filluar, Mbledhja e Përgjithshme do të anulohet.

### **17.6. Udhëheqësi i Mbledhjes së Përgjithshme**

Udhëheqësi i Bordit të Drejtorëve apo me vendim të aksionarëve, personi i zgjedhur nga shumica e pjesës së prezantuar në Mbledhjen e Përgjithshme duhet të jetë Udhëheqësi i Mbledhjes së Përgjithshme. Udhëheqësi i Mbledhjes së Përgjithshme duhet që duke vepruar arsyeshëm dhe në pajtueshmëri me ligjin dhe këto statute, të konstatoj prezencën e kuoromit, të drejton debatin dhe të mbaj procesverbalin, dhe konstaton e deklaron rezultatet e votimit sekretari do të asistoj udhëheqësin.

### **17.7. Votat e Aksionarëve**

17.7.1. Secili aksionarë emri i të cilit paraqitet në regjistrin e aksionarëve tridhjetë (30) ditë më herët nga data në të cilën është thirrur Mbledhja e Përgjithshme duhet të ketë një votë për secilin aksion për të cilin ai është mbajtës i regjistruar në regjistrin e aksionarëve të Kompanisë.

17.7.2. Secili i aksionar i autorizuar do të emërohet me shkrim nga aksionari i caktuar dhe duhet të pranohet nga Sekretari para fillimit të Mbledhjes së Përgjithshme.

17.7.3. Vota e dhënë nga i autorizuari duhet të jetë e vlefshme, pa marrë parasysh shkarkimin e mëhershëm të autoritetit të personit votues, përveç nëse njoftimi për shkarkim, është pranuar nga Sekretari para fillimit të mbajtjes së Mbledhjes së Përgjithshme ku edhe është dhënë vota.

17.7.4. Një vendim i vënë në votim në Mbledhjen e Përgjithshme duhet të vendoset nga numërimi publik. Numërimi duhet të filloj menjëherë kur udhëheqësi i Mbledhjes së Përgjithshme udhëzon, në atë mënyrë që mundëson votimet që i përkasin secilit aksion për apo kundër vendimit që të numërohet në mënyrë të saktë. Në rast se ka votim të barabartë udhëheqësi i Mbledhjes së Përgjithshme (nëse ai apo ajo është aksionar) mund të ketë votë vendimtare.

17.7.5. Mbledhja e Përgjithshme mund të miratoj vetëm vendimet në lidhje me çështjet të cilat janë përmbledhur në agjendë për ndonjë Mbledhje të veçantë të Përgjithshme përveç nëse aksionarët të cilët përfaqësojnë të gjitha aksionet e kompanisë e të cilët kanë të drejtë të votojnë janë prezent dhe pajtohen ndryshe.

17.7.6. Vendimi me shkrim i nënshkruar nga të gjithë aksionarët e kompanisë do të ketë të njëjtën fuqi sikurse edhe vendimi që ka kaluar në Mbledhjen e Përgjithshme që është thirrur dhe mbajtur. Çfarëdo vendimi i tillë mund të përbëhet prej disa dokumenteve duke pasur formë dhe përmbajtje identike, secili i nënshkruar nga një ose më tepër aksionar.

## **17.8. Kompetencat e Mbledhjes së Përgjithshme**

Përveç nëse është përcaktuar ndryshe në ligj, Mbledhja e Përgjithshme duhet të ketë kompetenca ekskluzive të:

17.8.1. Ndryshoj statutin dhe aktet ligjore të kompanisë, dhe të miratoj të kodet e qeverisjes së përbashkët të kompanisë, të cilat duhet të përcaktojnë kriteret të cilat duhet të drejtojnë ushtrimin, nga trupat e kompanisë, e vendimit që iu lejohet atyre nga këto statute dhe nga ligji;

17.8.2. Ngrihet apo zvogëlohet kapitali i aksioneve të kompanisë;

17.8.3. Themeloj shtresa të ndryshme të aksioneve, të përcaktoj të drejtat e tyre dhe tiparet e tjera, dhe ti ndryshoj ato;

17.8.4. Vendos për ndonjë bashkim, konsolidim, ndarje, shpërndarje, likuidim, transformim, dhe deri në atë masë të lejuar me ligj – në bankrotim apo insolvencë (pa aftësi pagueuse) të kompanisë;

17.8.5. Vendosë për lëshimin e aksioneve, lëshimin e borxhit apo sigurimeve të konvertuara në aksione, si dhe konsolidimin apo ndarjen e aksioneve të pa paguara dhe sigurimeve konvertuese;

17.8.6. Emëron, largon apo zëvendëson anëtarët e Bordit të Drejtorëve, dhe përcakton pagesën e tyre;



- 17.8.7. Përcakton pagesat shtesë për ata drejtorë të cilët gjithashtu janë anëtarë të komisionit të auditimit;
- 17.8.8. Emëron—me propozim të komisionit të auditimit – largon apo zëvendëson auditorët e jashtëm të kompanisë, dhe përcakton pagesat e tyre (përherë në pajtueshmëri me cilindo ligj të prokurimit i cili mund të jetë në fuqi);
- 17.8.9. Autorizon çfarëdo transaksioni në mes të kompanisë dhe cilitdo drejtor, dhe ofrimin e çfarëdo shërbimi për kompaninë nga auditorët e saj të jashtëm përveç shërbimit të auditimit të ofruar me këto statute; dhe
- 17.8.10. Aprovon pasqyrat financiare vjetore si dhe dokumentet e tjera të parapara, deklaron të gjithë dividendët dhe vendos në mbulimin e çfarëdo humbjeje.
- 17.8.11. Vendimet, duhet të kërkojnë votën pohuese të shumicës së aksioneve të lëshuara dhe të pa paguara të shoqërisë. Megjithatë, çfarëdo ndryshimi i nenit 2 (pika 8)(c) kërkon votën pohuese të së paku dy të tretave (2/3) të aksioneve të lëshuara dhe të pa paguara të kompanisë.
- 17.8.12. Vendimet, kërkojnë votën pohuese të së paku dy të tretave (2/3) të aksioneve të lëshuara dhe të pa paguara të përfaqësuara në Mbledhjet e Përgjithshme përkatëse.
- 17.8.13. Vendimet, që nuk referohen më lartë duhet të kërkojnë votën pohuese të shumicës së aksioneve të përfaqësuara në Mbledhjet e Përgjithshme përkatëse.
- 17.8.14. Aprovimi i transaksioneve, dokumenteve dhe akteve të tjera, nuk do t'i liroj Drejtorët dhe Zyrtarët e kompanisë nga çfarëdo përgjegjësie që rezulton nga shkeljet e detyrave të tyre të cilat u janë besuar apo nga detyrime të tjera që ka kompania, e as nuk do të nënkuptoj heqje dore nga të drejtat dhe kompensimi të cilat kompania, mund të ketë kundër tyre në lidhje me këtë.

## **Neni 18**

### **Bordi i Drejtorëve**

#### **18. Funkzioni i Bordit të Drejtorëve**

Biznesi dhe detyrat e kompanisë do të drejtohen nga Bordi i Drejtorëve, siç është përcaktuar në këtë statut dhe ligj.

18.1. Anëtarët e Bordit të Drejtorëve.

18.1.1. Bordi i Drejtorëve, formohet në bazë të Ligjit Nr. 06/L-016, “Për Shoqëritë Tregtare”, sipas kësaj përbërje :

- z. Habil Zeqiri me nr. personal 1013174942 , Kryesues;
- z. Arban Hoxha me nr. personal 1500239936, anëtar ;
- z. Agim Zeka, me nr. personal 1012642373, anëtar;
- znj. Ferdane Tahiri Sylejmani , me nr.personal 1003051877, anëtare;
- znj. Filloretë Gashi Sadiku, me nr. personal 2500878587, anëtare ;
- znj. Lindita Fazliu, me nr.personal 1012699332, anëtare;

## **18.2. Bordi i Drejtoreve duhet që sipas përgjegjësisë të tij kolektive të :**

**18.2.1.** Respektoj statutin e kompanisë dhe aktet ligjore dhe të zbatoj vendimet e Mbledhjes së Përgjithshme, në pajtueshmëri me ligjin;

**18.2.2.** Përcaktoj, dhe rregullisht – së paku çdo tre muaj – të rishikoj strategjinë e kompanisë;

**18.2.3.** Përgatise dhe miratoj strategjinë afatgjatë, investimet dhe planet financiare të kompanisë dhe brenda afatit relevant kohor – të rishikoj atë kurdo që është e nevojshme, së paku çdo tre muaj, të bëj ndryshime të cilat mund të jenë të nevojshme;

**18.2.4.** Në bazë të këtyre planeve afatgjate, nxjerr direktiva strategjike për Kryeshefin Ekzekutiv kurdo që është e nevojshme;

**18.2.5.** Miratoje planin vjetor të biznesit dhe buxhetin vjetor të përgatitur nga Kryeshefi Ekzekutiv në bazë të planit të tillë afatgjatë;

**18.2.6.** Emëroje, largoje apo zëvendësoje Kryeshefin Ekzekutiv, përcakton, me propozim të komisionit të auditimit – kompensimin e tij ose saj, dhe siguron që procesi për përzgjedhjen e Kryeshefin Ekzekutiv do të organizohet në mënyrë transparente dhe të arsyeshme, në këtë mënyrë t'i siguroj kompanisë disponueshmërinë e talentëve dhe kompetencave adekuate;

**18.2.7.** Përcaktoje transaksionet në bazë të cilave Kryeshefin Ekzekutiv nuk do të ketë fuqinë të veprj (dhe të obligoj kompaninë) në mënyrë të pavarur dhe duhet të kërkoj autorizim paraprak nga Bordi i Drejtoreve, apo nënshkrim e përbashkët të ndonjë zyrtari tjetër;

**18.2.8.** Emëroje me propozim të Kryeshefit Ekzekutiv, dhe largon apo zëvendëson Zyrtarin e lartë financiar dhe Sekretarin, dhe përcakton në bazë të propozimit të Komisionit të Auditimit- kompensimin e tyre;

**18.2.9.** Përcaktoje me propozim të Kryeshefit Ekzekutiv, transaksionet financiare në bazë të të cilave Zyrtari i lartë financiar nuk do të ketë fuqinë të veprj (dhe të obligoj kompaninë) në mënyrë të pavarur, dhe do të duhet të kërkoj autorizim paraprak nga Kryeshefi Ekzekutiv apo nga Bordi i Drejtoreve;

18.2.10. Kryeje mbikëqyrje të vazhdueshme dhe rigoroze mbi punën e biznesit të kompanisë, mbi punën e Kryeshefit Ekzekutiv, Zyrtarit të lartë financiar dhe sekretarit, mbi organizatën e brendshme të kompanisë dhe mbi performancën e kompanisë, dhe siguron se linjat e raportimit të kompanisë janë të organizuara për të lejuar performancën e duhur e një detyre të tillë të mbikëqyrjes dhe mbi këto baza, të zbatoj këto detyra të besuara të zyrtarëve (në rastin e zyrtarit të auditimit të brendshëm vetëm me propozim të komisionit të auditimit);

18.2.11. Miratoje në fund të secilit vit të biznesit, pa kurrfarë vonese dhe në çfarëdo rasti brenda nëntëdhjetë (90) ditëve pas përfundimit të vitit financiarë të Kompanisë :

18.2.12. bilancin vjetorë dhe pasqyrën e fitimit dhe humbjeve të Kompanisë dhe çfarëdo pasqyre tjetër financiare që kërkohet me ligj;

18.2.13. Një raport vjetor në menaxhim, rregullore të biznesit, gjendjen financiare dhe industriale të Kompanisë- i cili do të duhet të përfshijë vështrimet e saja në atë mënyrë që operacionet dhe e performanca e Kompanisë mund të barazohen me planet afatgjata – gjithashtu të paraqes propozimin e saj për alokim, investim apo shpërndarje të fitimit vjetor, apo mbulimin e humbjeve;

18.2.14. një deklaratë për aksionarët që – sipas njohurive më të mira të Bordit të Drejtorëve, duke marrë parasysh raportin e Komisionit të Auditimit, dhe sipas hetimit të vet të pavarur dhe të kujdesshëm dhe konsolidimit adekuat, dokumentet e lartpërmendura janë të vërteta, të drejta dhe të sakta, dhe ato nuk lënë pa përmendur asnjë informatë apo pasqyrë e që mos përfshirja e tyre do të konsiderohej si lajthitje. dhe ato ti dorëzoj – së bashku me raportin nga auditori i jashtëm në dokumentet e parashtruara (i) – tek aksionarët së paku tridhjetë (30) ditë para datës së Mbledhjes së Përgjithshme Vjetore;

18.2.15. Të siguroj që sistemet adekuate të kontrollit të brendshëm, duke përfshirë kontrollin financiarë dhe procedurat janë në vendin e duhur;

18.2.16. Të siguroj se sistemet dhe procedurat adekuate janë në vendin e duhur për të garantuar se librat dhe regjistrat e Kompanisë, duke përfshirë regjistrat financiarë, mbahen në pajtueshmëri me standardet e kontabilitetit dhe ligjeve në fuqi, dhe se draft raportet financiare vjetore janë të përgatitura si duhet;

18.2.17. Të siguroj se auditimi i librave dhe regjistrave kryhet të paktën çdo vit nga auditori i jashtëm;

18.2.18. Të siguroj se sistemet dhe procedurat adekuate janë vendosur për të garantuar se Kompania i respekton të gjitha ligjet e aplikueshme gjatë kryerjes së biznesit dhe detyrave;

18.2.19. Të identifikon, me kërkesë të Kryeshefit Ekzekutiv, shenjat adekuate që në mënyrë që të matet rregullisht performanca e Kompanisë;

18.2.20. Të siguroj se biznesi i Kompanisë kurrë nuk devijon nga qëllimi i deklaruar në statut pa autorizimin e qartë të Mbledhjes së Përgjithshme;

18.2.21. Bordi i Drejtorëve mund, përveç kësaj, të nxjerr direktiva për Kryeshefin Ekzekutiv në organizimin e brendshëm të Kompanisë dhe alokimin e fuqisë dhe autoritetin vendim-marrës së bashku me Zyrtarët dhe Menaxherët e Kompanisë, dhe mund-me propozim të Kryeshefit Ekzekutiv- të caktoj Zyrtarë të tjerë (përveç Kryeshefit Ekzekutiv, Zyrtarit të lartë Financiar, Sekretari dhe Zyrtari i lartë për Auditim të Brendshëm) duke vendosur fuqitë, detyrat, dhe rregullat e tyre në lidhje me emërimin, kompensimin, largimin apo zavendësimin e tyre.

### 18.3. Mbledhjet

18.3.1. Bordi Drejtorëve duhet të mbledhet në vendin e njoftimit me shkrim për mbledhje, në zyrën e regjistruar të Kompanisë apo diku tjetër, kurdo që paraqitet nevoja nga ana e udhëheqësit apo nga dy (2) apo më shumë Drejtor. Njoftimi për mbledhjen duhet të ketë agjendën dhe duhet të dorëzohet me dorë së paku tre ditë para mbledhjes, me Faks apo E-mail apo me çfarëdo mënyre tjetër të cilat sigurojnë pranimin me kohë. Në raste të emergjencës, njoftimi për mbledhjen duhet të përcjellët me letër dhe të dërgohet me dorë, me Faks apo e-mail së paku një ditë para mbledhjes.

18.3.2. Në mbledhje, udhëheqësi i Bordit të Drejtorëve, duke vepruar arsyeshëm dhe në pajtueshmëri me ligjin dhe këto statute, duhet të përcaktoj praninë e kuoromit, të drejtoj debatin, si dhe të mbaj procesverbalin, dhe të përcakton dhe deklarë rezultatet e votimit. Sekretari do asistoj udhëheqësin, përveç nëse çështja e kufidencialitetit kërkon që Drejtori të veproj si Sekretar i Mbledhjes.

18.3.3. Mbledhjet e Bordit të Drejtorëve përbëhen në mënyrë valide me prezencën e shumicës së Drejtorëve në Zyrë dhe duhet të veproj me votën pohuese të shumicës së Drejtorëve pjesëmarrës në mbledhje Drejtorët të cilët mund të abstenojnë nga votimi dhe Drejtorët të cilët kanë shpallur konflikt interesash nuk do të përfshihen në numërim në lidhje me shumicën. Në rast barazimi me vota, udhëheqësi i Bordit të Drejtorëve duhet të ketë votën vendimtare.

18.3.4. Nëse, për shkak të boshllëkut, numri i Drejtorëve është më i vogël se numri i vendosur si kuorum, Drejtorët e mbetur (apo Drejtori) mund të veproj vetëm për qëllim të thirrjes së Mbledhjes së Përgjithshme për plotësimin e vendeve të lira.

18.3.5. Mbledhja e Bordit të Drejtorëve mund të mbahet në më shumë se një lokacion, me lidhje të dyanshme përmes zërit apo video-konferencës, përderisa kërkesat e parashtruara janë përmbushur dhe janë arsyetuar në procesverbal;

18.3.6. Udhëheqësi i Mbledhjes duhet të jetë në gjendje të përcaktoj identitetin dhe të drejtën e pjesëmarrjes të atyre që janë prezent, do të udhëheq mbledhjen, dhe do të konstatojë dhe deklaron rezultatet e votimit;

18.3.7. Sekretari i Mbledhjes duhet të jetë në gjendje të perceptoj ngjarjet në mënyrë adekuate gjatë mbledhjes;

18.3.8. Pjesëmarrësit duhet të jenë në gjendje të marrin pjesë në diskutime dhe të votojnë për pikat e agjendës, e gjithashtu edhe të lexojnë, të pranojnë apo të dërgojnë dokumente që ndërliken aty (nëse ka).

18.3.9. Vendimi me shkrim i nënshkruar nga shumica e Drejtorëve në zyrë do të ketë të njëjtën fuqi dhe efekt sikurse vendimi që ka kaluar në mbledhjen e Drejtorëve të Bordit që është thirrur dhe mbajtur. Çfarëdo vendimi i tillë mund të përbëhet prej disa dokumenteve që kanë formë dhe përmbajtje identike, secili i nënshkruar nga një apo më shumë drejtorë.

#### **Neni 19**

#### **Komisioni i Auditimit**

Komisioni i Auditimit duhet të formohet dhe të ketë fuqitë siç janë të përcaktuara në Ligjin nr. 04/L-111 për ndryshimin dhe plotësimin e Ligjit bazik nr.03/L-087 “Mbi Ndërmarrjet Publike”.

#### **Neni 20**

#### **Zyrtarët**

##### 20.Zyrtarët e Kompanisë

20.1.Zyrtarët e Kompanisë do të jenë Kryeshefi Ekzekutiv, Zyrtari i lartë Financiar, Zyrtari i lartë i Auditimit të Brendshëm, Sekretari.

##### 20.2. Pranueshmëria

20.2.1.Pranueshmëria e ofertave do të përcaktohet duke pasur parasysh dispozitat e Ligjit nr. 04/L-111 për ndryshimin dhe plotësimin e Ligjit bazik nr.03/L-087 “Mbi Ndërmarrjet Publike”.

##### 20.3.Kryeshefi Ekzekutiv

20.3.1. Kryeshefi Ekzekutiv i Kompanisë (KSHE) është emëruar **Ymer Salihu nga Gjilani**, me ID 2013279007, i cili do të ketë autoritet për të lidhë kontratë për kompaninë, në pajtueshmërinë me statutin, këto akte ligjore dhe ligjin, duke iu nënshtruar vetëm kufizimeve të përcaktuara nga Bordi i Drejtorëve.

**20.3.2.** Biznesi, detyrat dhe organizimi i kompanisë duhet të kryhet sipas direktivave, mbikëqyrjes dhe përgjegjësinë së Kryeshefit Ekzekutiv, në pajtueshmëri me statutin dhe aktet ligjore të kompanisë dhe vendimeve të Bordit të Drejtorëve. Të gjitha çështjet në lidhje me biznesin e Kompanisë të cilat nuk janë përgjegjësi të Mbledhjes së Përgjithshme, të Bordit të Drejtorëve, Komisionit të Auditimit apo Zyrtarit të lartë të Auditimit të Brendshëm do të vendosen nga apo sipas direktivave dhe përgjegjësitë së Kryeshefit Ekzekutiv.

**20.3.3.** Kryeshefi Ekzekutiv do të ketë autoritet të punësoj apo të largoj nga puna zyrtarët, dhe stafin e kompanisë dhe të delegoj autoritetin e tillë tek zyrtarët e tjerë dhe anëtarët e tjerë. Përfshirë edhe Zyrtari i lartë Financiar, Zyrtari i lartë i Auditimit të Brendshëm, Sekretari, dhe

**20.3.4.** Cilit do zyrtarë tjetër që Bordi i Drejtorëve në mënyrë specifike mbanë të drejtat të punësoj apo të largoj, ky mund të punësohet apo të largohet, ky mund të punësohet apo të largohet vetëm nga Bordi i Drejtorëve.

**20.4.** Kryeshefi Ekzekutiv gjithashtu duhet të:

**20.4.1.** Këshillon dhe asiston Bordin e Drejtorëve në përcaktimin e strategjisë së kompanisë si dhe planet e saja strategjike afatgjata;

**20.4.2.** Propozoj Bordit të Drejtorëve kandidat të përshtatshëm për punësim të Zyrtarit të lartë financiar, dhe Sekretarit, duke sugjeruar së paku dy (2) persona për secilën pozitë, Zyrtar i Lartë Financiar, dhe Sekretar;

**20.4.3.** Dorëzon, sipas përgjegjësisë të tij Bordit të Drejtorëve drafte të dokumente që kërkohen;

**20.4.4.** T’i ofroj kurdo që të jetë e nevojshme, dhe së paku një herë në tre muaj, Bordit të Drejtorëve raporte për transaksionet kryesore të ndërmarra nga kompania dhe për vendimet kryesore të ndërmarra nga menaxhmenti në lidhje me udhëheqjen e biznesit dhe të punëve të Kompanisë;

**20.4.5.** T’i dorëzoj, nën përgjegjësinë e tij/saj, Bordit të Drejtorëve dokumente, letra dhe informacione në lidhje me të gjitha çështjet e përfshira në agjendën e mbledhjeve të tij;

**20.4.6.** T’i propozoj Bordit të Drejtorëve shenja adekuate për matjen e performancës së kompanisë, si dhe t’i ofroj Bordit rregullisht- e së paku çdo tre muaj - raportet e matjes së performancës së Kompanisë kundrejt shenjave të tilla;

**20.4.7.** Të themeloj dhe rishikoj strukturën organizative të kompanisë, si dhe alokimin e fuqisë vendim-marrëse të kompanisë, si dhe të fuqisë të ndërlidhjes në mes të udhëheqësve dhe të të punësuarve në kompani;

**20.4.8.** T’i ofroj Komisionit të Auditimit të gjitha informatat dhe asistencën që mund të kërkohet;

**20.4.9.** T’i ofroj Zyrtarit të Auditimit të Brendshëm të gjitha informatat dhe asistencën që mund të

kërkohej nga ky i fundit; dhe

20.4.10. Të marrë pjesë në të gjitha Mbledhjet e Përgjithshme.

### **20.5. Zyrtaři i Lartë Fianciar**

20.5.1. Zyrtaři i Lartë Fianciar i Kompanisë ("ZLF") do të menaxhoj, nën drejtimin dhe mbikëqyrjen e Kryeshefit Ekzekutiv, çështjet financiare të Kompanisë, varësisht prej kufizimeve të vëna nga Bordi i Drejtorëve- do të ketë autoritetin e lidhjes së të gjitha kontratave financiare për Kompaninë, dhe do të jetë përgjegjës që:

20.5.2. Të mirëmbajë llogaritë e kompanisë të azhurnuara dhe të sakta; Të themeloj dhe udhëheq të gjitha kontrollet e brendshme financiare, duke përfshirë blerjet, pranimet e parave të gatshme, dhe pasuritë themelore. Të monitoroj llogaritë e pagueshme dhe të koordinojë pagesën e faturave dhe blerjet speciale. Të rishikojë shpenzimet e të punësuarve për të siguruar pajtueshmërinë me politikat e korporatës dhe buxhetin para pagesës së tyre;

20.5.3. Të përgatisë të dhënët e kompanisë për auditim në fund të vitit;

20.5.4. Të rishikoj, të arrij marrëveshje për prokurime dhe mirëmbajtje të të gjitha bizneseve të ndërlidhura me politikat e sigurimit;

20.5.5. Të koordinojë funksionet tjera të biznesit, siç janë dhënia me qira e objekteve dhe pajisjeve, si dhe të bëj blerje me Kryeshefin Ekzekutiv dhe zyrën apo funksionin e prokurimit të Kompanisë;

20.5.6. Menaxhoj thesarin e Kompanisë;

20.5.7. Të vendos dhe përgatitë buxhetet; dhe

20.5.8. Çfarëdo tjetër detyre e përcaktuar nga ana e Kryeshefit Ekzekutiv.

### **20.6. Zyrtaři i Auditimit të Brendshëm**

Nën drejtimin dhe mbikëqyrjen e Komisionit të Auditimit, dhe duke i raportuar ekskluzivisht atij, zyrtaři i Auditimit të brendshëm të Kompanisë ("Zyrtaři i Auditimit të Brendshëm") do të jetë përgjegjës për:

20.6.1. Udhëheqjen, menaxhimin dhe organizimin e brendshëm të zyrës së auditimit.

20.6.2. Udhëheq dhe drejton të gjitha aktivitetet e auditimit të brendshëm; dhe

20.6.3. Përmblush çfarëdo detyre tjetër të përcaktuar nga ana e Komisionit të Auditimit.

### **20.7. Sekretari**

20.7.1. Sekretari i Kompanisë ("Sekretari") do të:

20.7.2. Mirëmbajë regjistrin e aksionarëve;

**20.7.3.** Vepron si agjent i Kompanisë për pranimin e njoftimeve;

**20.7.4.** Kryen të gjitha arkivimet, publikimet dhe/ose zbulimet për autoritetet përkatëse siç mund të kërkohej me ligj ose nga këto statute;

**20.7.5.** Mbikëqyrë mirëmbajtjen e duhur dhe azhurnimin e rregullt të uebfaqës;

**20.7.6.** Koordinon me Kryeshëfin Ekzekutiv përgatitjen e letrave (dokumenteve) për mbledhjet e Bordit të Drejtorëve.

**20.7.7** Sekretari do të mbaj procesverbalin e secilës Mbledhje të Përgjithshme dhe Bordit të Drejtorëve dhe Komisionit të Auditimit (nëse nuk kërkohej ndryshe nga kryesuesi i tyre), dhe do t'i shënoj ato në librat e protokolleve. Procesverbali do të përmbajë këto informata: emrat e personave pjesëmarrës, vendin dhe kohën e mbledhjes, çështjet kryesore të ngritura gjatë diskutimit të pikave të veçanta të agjendës, tekstin e vendimeve të propozuara, rezultatit të secilit votim dhe të votave të secilit individ (pjesëmarrës), tekstin e saktë të vendimeve të arritura si dhe ç'farëdo kundërshtimi i ngritur në lidhje me vendimet e vendosura.

**20.7.8.** Procesverbali për Mbledhjet e Përgjithshme do të nënshkruhet nga kryesuesi i Mbledhjes së Përgjithshme dhe nga Sekretari dhe do të dorëzohet për aprovim në Mbledhjen e ardhshme të Përgjithshme Sekretari do të lëshoj kopje të certifikuara të procesverbalit. Procesverbali i Mbledhjes së Përgjithshme do t'u vihet aksionarëve në dispozicion me kërkesën me shkrim.

**20.7.9.** Procesverbali i secilës mbledhje të Bordit të Drejtorëve do të dorëzohet për aprovim në mbledhjen e ardhshme të Bordit të Drejtorëve. Procesverbali i secilës mbledhje të Bordit të Drejtorëve do të nënshkruhet nga ana e kryesuesit të Bordit të Drejtorëve dhe do t'u shpërndahet anëtarëve të Bordit të Drejtorëve. Të njëjtat rregulla do të zbatohen për procesverbalet e Komisionit të Auditimit.

## **Neni 21 Detyrat e Besuara**

**21.1.** Çdo Drejtor dhe Zyrtar do të kenë detyra të lëna në mirëbesim për Kompaninë, në përputhje me ligjin. Këto detyra në mirëbesim gjithmonë do përfshijnë detyrat që të:

**21.2.** Veprojnë në besim të mirë ekskluzivisht për përfitime kolektive dhe për përfitime objektive të aksionarëve, gjithmonë në përputhje me ligjin dhe statutin;

**21.3.** Të ushtroj fuqinë që iu është dhënë atyre ekskluzivisht në përputhje me interesat më të mira kolektive dhe objektive të aksionarëve;

**21.4.** Të ketë konsideratë adekuate për çështjet që duhet vendosur nga ata dhe të sigurojnë të gjitha informatat e nevojshme për marrjen e vendimeve të tilla, duke pasur parasysh ndërlikueshmërinë e tyre;

**21.5.** Të shmang dhe shpaloj konfliktet e tanishme dhe potenciale në mes të interesave të tyre personale (direkte apo indirekte) dhe të interesave të Kompanisë;

**21.6.** Të ushtroj kujdes të arsyeshëm, zell dhe aftësi gjatë përmbushjes së funksioneve të tyre; dhe



21.7. Të trajtoj si konfidenciale të gjitha informatat të pranuarë me arsye nga zyra e tyre ose gjatë zbatimit të detyrave të tyre.

#### **Neni 22**

#### **Veprimet e Bordit pa Mbajtjen e Mbledhjes**

Përveç nëse me statut ose rregullore të shoqërisë kërkohet që një aktivitet i bordit të ndërmerret ekskluzivisht në mbledhje të bordit, të gjitha aktivitetet të cilat mund të ndërmerren në mbledhjet e bordit mund të ndërmerren edhe pa mbajtjen e mbledhjes nëse pëlqimi me shkrim, që përmban edhe natyrën e aktivitetit përkatës, nënshkruhet nga të gjithë drejtorët me të drejtë vote për atë çështje. Të gjitha këto pëlqime duhet të përmbahen në një ose më shumë miratime me shkrim, të cilat duhet të paraqesin aktivitetin e ndërmarrë si dhe të kenë nënshkrimin e një ose më shumë drejtorëve. Të gjitha këto pëlqime duhet të vendosen në procesverbalin nga mbledhja e bordit të drejtorëve të shoqërisë. Pëlqimi hyn në fuqi pasi nënshkrimit nga të gjithë drejtorët, përveç nëse në pëlqim është caktuar një datë tjetër e hyrjes në fuqi.

#### **Neni 23**

#### **Komisionet e Bordit**

**23.1.** Bordi i Drejtorëve, me rregulloren e tij të brendshme, përbëhet, kur mund të miratojnë themelimin e një ose më shumë komisioneve, (komisioni për auditim ose për shqyrtimin e kompensimeve) që do të shqyrtojë, hulumtojë, rekomandojë ose të marrë masa të tjera jo-obligative e që janë në kuadër të kompetencës së bordit.

**23.2.** Këto komisione, mund të përfshijnë edhe anëtarët e bordit të drejtorëve dhe punëtorët e shoqërisë si dhe persona jashtë kompanisë, sipas përcaktimit në rregullore.

**23.3.** Miratimi i rregulloreve për marrjen e vendimeve të bordit kërkojnë një numër më të madh, shumica e anëtarëve të komisionit e përbëjnë kuorumin dhe shumica e kuorumit është e nevojshme për çdo rekomandim ose veprim tjetër të komisionit. Të gjitha vendimet dhe veprimet e tjera të komisionit i nënshtrohen rishikimit, ndryshimit dhe miratimit me jo më pak se 2/3 e anëtarëve të bordit.

#### **Neni 24**

#### **Shpalosjet**

#### **24.1. Raportet e Bordit të Drejtorëve**

Pas çdo takimi të Bordit të Drejtorëve, kjo e fundit do të lëshoj një raport të shkurtë në një gjuhë të qartë, duke vënë në pah një përmbledhje të vendimeve më të rëndësishme dhe rezolutave të arritura në mbledhje, duke i fshehur vetëm ato informata në lidhje me të cilat nevojitet konfidencialitet i arsyeshëm; informata të tilla do të përfshihen në raportet e mëvonshme kur më nuk ekziston nevoja për të ruajtur konfidencialitetin.

#### **24.2. Konflikti i Interesave**

Bordi i Drejtorëve dhe Komisioni i Auditimit rregullisht, së paku çdo tre muaj, do të lëshojnë një raport të shkurtër e të përbashkët, me një gjuhë të qartë që nxjerr në pah të gjitha rastet në të cilat cilido Drejtor apo Zyrtar ka deklaruar ekzistimin e konfliktit potencial të interesave dhe ka abstenuar nga votimi ose nga veprimi, duke dhënë indikacione për natyrën e interesave dhe vendimet vepruese për shkak të të cilave janë ngritur ato. Një pjesë e informatave të tilla mund të mbahet nëse çështja e arsyeshme kërkon që konfidencialiteti të respektohet për shkak të kompanisë, dhe informatat e tilla do të përfshihen në raportet e mëvonshme kur më nuk eksiton nevoja për konfidencialitet; në asnjë rrethanë informacioni nuk mund të mbahet për shkak të interesave të Drejtorit apo Zyrtarit përkatës.

#### **24.3. Transaksionet me palët e ndërlidhura**

Komisioni i Auditimit rregullisht– së paku çdo tre muaj- do të lëshoj një raport të shkurtër dhe me një gjuhë të qartë, duke nxjerr në pah Transaksionet më të rëndësishme me palët e ndërlidhura të cilat nuk i ka miratuar, duke dhënë arsyet për mos-miratimin e tyre, dhe të gjitha Transaksionet me palët e ndërlidhura që i ka miratuar duke paraqitur vlerën e transaksioneve; vlerën e bilanceve të papaguara, duke përfshirë kushtet, konditat dhe garancionet; provizionet për borxhet e dyshimta lidhur me vlerën e bilanceve të papaguara, dhe shpenzimet e pranuar gjatë periudhës në lidhje me borxhet e këqija (të pa-pagueshme) apo të dyshimta të caktuara nga palët përkatëse të ndërlidhura) si dhe deklaratat se kjo e fundit ka qenë e arsyeshme dhe e drejtë për Kompaninë. Një pjesë e informatave të tilla mund të mbahet nëse çështja e arsyeshme kërkon që konfidencialiteti të respektohet për shkak të kompanisë, dhe informatat e tilla do të përfshihen në raportet e mëvonshme kur më nuk eksiton nevoja për konfidencialitet; në asnjë rrethanë informacioni nuk mund të mbahet për shkak të interesave të palës përkatëse të ndërlidhur.

#### **24.4. Faqja Zyrtare (uebfaqja)**

**24.4.1.** Kompania do të krijoj dhe në mënyrë të rregullt do të azhurnoj, nën përgjegjësinë e Kryeshefit Ekzekutiv një uebfaqe ku do të paraqiten së paku këto informacione .

**24.4.2.** Dokumentet zyrtare që parashihen dhe raportin për dokumentet e tilla nga Komisioni i Auditimit;

**24.4.3.** Raporti nga auditori i jashtëm për pasqyrat financiare që parashihen me Ligjin e Ndërmarrjeve Publike.

**24.4.4.** Listën e kontratave më të rëndësishme të prokurimit që janë lidhur gjatë vitit aktual financiar, që tregojnë natyrën e tyre, çmimin dhe palët tjera, pa paragjykim të çfarëdo obligimi të konfidencialitetit që i obligohet të fundit. Atëherë kur kompania të veproj në një treg garues, ajo mund të fshin të dhënat e ndjeshme komerciale në lidhje me çmimet nga shpalosjet e tilla;

**24.4.5.** Listën e kontratave më të rëndësishme të prokurimit që janë lidhur gjatë vitit aktual financiar, që tregojnë natyrën e tyre, çmimin dhe palët tjera, pa paragjykim të çfarëdo obligimi të konfidencialitetit që i obligohet të fundit. Atëherë kur kompania të veproj në një treg garues, ajo mund të fshin të dhënat e ndjeshme komerciale në lidhje me çmimet nga shpalosjet e tilla;

**24.4.6.** Listën e të gjitha kontratave të prokurimit të lidhura gjatë vitit aktual financiar pa ndjekur procedurat e tenderimit, duke treguar për natyrën e tyre, çmimin, palët tjera (pa paragjykim të

çfarëdo obligimi të konfidencialitetit që i obligohet këtij të fundit) dhe arsyen pse procedurat e tenderimit nuk janë përcjell;

24.4.7. Listën e dhjetë (10) furnizuesve më të rëndësishëm të Kompanisë, me çmimet e furnizimeve;

24.4.8. Çfarëdo padie në gjyq apo rastet në pritje në lidhje me vlefshmërinë e çfarëdo zgjedhjeje të drejtorit, shkelje të detyrave të mirëbesimit të drejtorëve apo zyrtarëve apo vlefshmëria e çfarëdo vendimi të miratuar nga ana e Bordit të Drejtorëve;

24.4.9. Të gjitha informatat dhe dokumentet e tilla do të shpërndahen në paragrafë të ndarë dhe në mënyrë të lehtë për t’iu qasur, me lidhje tek dokumentet tjera kurdo që të jetë e nevojshme, dhe do të përfshihet në një paragrafë të vetëm të uebfaqës e cila i dedikohet shpalosjeve publike për çështjet e korporatës, dhe do të vendoset në një mënyrë të thjeshtë dhe që mund të lexohet lehtë, e secila nga këto në një format që mund të printohet lehtë.

#### **Neni 25** **Llojlloshmëria**

Viti Financiar i Kompanisë do të jetë i njëjtë me vitin kalendarik.

#### **Neni 26** **Detyrimi për mos-konkurrencë**

Zyrtarët dhe drejtorët nuk mund të jenë të përfshirë në konkurrencë tregtare kundër shoqërisë. Kjo konkurrencë përfshinë por nuk kufizohet vetëm në punësimin, të qenit ortak i përgjithshëm, menaxher, drejtor ose anëtar kontrollues ose aksionar në ndonjë shoqëri tjetër tregtare që ushtron aktivitete tregtare konkurruese.

#### **Neni 27** **Statuti dhe Rregulloret**

27.1. Shoqëria themelohet vetëm pas regjistrimit të këtij Statuti në Zyrën e Regjistrimit të Biznesit. Ky Statut është dokumenti themelues dhe konstituiv i Shoqërisë Kompania Rajonale e Ujësjetësit “Hidromorava” SH.A. Ndryshimet dhe plotësimet në Statut, nuk kanë efekt juridik derisa të miratohen nga aksionarët dhe Bordit të Drejtorëve dhe të dorëzohen në zyrën e regjistrimit të biznesit, në përputhje me Ligjin nr. 06/L-016 “Për Shoqëritë Tregtare”.

27.2. Shoqëria, duhet të nxjerrë rregulloret, të cilat përmbajnë dispozita për administrimin dhe funksionimin e shoqërisë. Rregulloret miratohen, ndryshohen ose revokohen nga Bordi i Drejtorëve, përveç nëse këto autorizime janë rezervuar vetëm për aksionarët në statutin e Shoqërisë. Asnjë rregullorë e miratuar nga Aksionarët nuk mund të ndryshohet ose revokohet nga Bordi i Drejtorëve, përveç nëse kështu është përcaktuar në Rregulloret.

27.3. Në rast konflikti statuti i shoqërisë mbizotëron mbi rregulloret. Në raste të tilla dispozitat përkatëse të rregulloreve konsiderohen të revokuara ose të ndryshuara në masën e nevojshme për eliminimin e mospërputhjes.

#### **Neni 28** **Likuidimi i shoqërisë**

Likuidimi i shoqërisë bëhet sipas mënyrës dhe formës të përcaktuar me ligj.

**Neni 29**

**Ushtrimi i Detyrimeve sipas Vendimit Personal ose të Gjykatës**

**29.1.** Një ose më shumë aksionarë që mbajnë së paku 10% të votave me të drejtë, për zgjedhjen e drejtorëve, kanë të drejtë të paraqesin ankesë në gjykatë në emrin e kompanisë kundër një ose më shumë drejtorëve ose zyrtarëve, nëse këta aksionarë kanë arsye të mira për të besuar sa zyrtarët dhe drejtorët përkatës kanë shkelur detyrën ndaj shoqërisë dhe me këtë e kanë dëmtuar shoqërinë.

**29.2.** Asnjë padë nuk mund të paraqitet nga aksionari në emër ose për llogari të shoqërisë, përveç nëse aksionari në fjalë ose pronari paraprak i aksionit të tij ka qenë aksionar në kohën e ngjarjes së veprimeve për të cilat është dashur paraqitur padia dhe bordi i drejtorëve ose e ka refuzuar parashkrimin e kësaj padie ose përpjekjet për ta shtyrë bordin e drejtorëve që të paraqesë padinë nuk ka gjasa se do të kenë sukses. Ankesat e paraqitura në këtë mënyrë duhet të përshkruajnë në hollësi ose (i) përpjekjet që janë bërë nga aksionarët për ta shtyrë bordin e drejtorëve që ta paraqesë ankesën në emër të shoqërisë ose (ii) një deklaratë se këto përpjekje nuk janë bërë për shkak se më siguri se do të kishin qenë të padobishme, së bashku me një deklaratë ku paraqiten arsyet për mbështetjen e kësaj deklaratë.

**29.3.** Nëse aksionarët ankues janë të suksesshëm në këtë rast, të gjitha kompensimet e dhëna dhe të pranuarat janë pronë e shoqërisë, përveçse aksionarët ankues kanë të drejtë që t'i mbulojnë shpenzimet e tyre të arsyeshme, duke përfshirë tarifatat ligjore, nga pala mbrojtëse.

**Neni 30**

**Shpërbërja e Shoqërisë**

Shoqëria është themeluar për kohë të pacaktuar dhe mund të shpërbëhet vetëm në rastet dhe mënyrën e përcaktuar me ligj dhe këtë Statut.

**Neni 31**

**Dispozita të përgjithshme**

Për çfarë nuk është shprehur në statut, referimi bëhet në *Ligjin nr.04/L-111 për ndryshimin dhe plotësimin e Ligjit bazik nr. 03/L-087” Për Ndërmarrjet Publike, dhe Ligjit Nr. 06//L-016, “Për Shoqëritë Tregtare” të Republikës së Kosovës.*

**Neni 32**

**Hyrja në fuqi**

Ky Statut do të hyjë në fuqi ditën e aprovimit nga Bordi i Drejtorëve të KRU “Hidromorava”-SH.A. Gjilan..



**Kryesuesi i Bordit të Drejtorëve**

**( z. Habil Zeqiri )**